



— A G L A I T —

ILLUNAINORTUT.

Nr. 32

Nain,

Februar 1907.

N. 32.

A p k o s i n e k a m i t o k s i l l i k t o r l o .

Maggotuinarnik apkosinekarpok inub arvertarvigijungnartagingnik. maggotuinarnik torarvekarlutik. Apkut amitek inôgumut sangmijok, apkut silliktok âniatitsivingmut sangmijok.

N e l l i a n g n i k a n n e r o s u l e r k ê t ?

N e l l i a k a r v e r t a r v i g i l e r k i u k m â n n a ?

I A p k o s i n e k s i l l i k t o k .

Piulijivut Jesuse Kristuse okarpok: "Ittervik nerotovok, apkosinerlo sillikpok, âniatitsivingmut sangmijok, unuktoksuillo tamanna atorpât. "U n u k t o k s u i l l o t a m a n n a a t o r p â t" okarpok Piulijivut. Inuit adsigengimariktut arvertarput apkosinerme silliktome

Gûdekangitut — okpertonerartaujullo !

Baptisimangitut — baptisimajullo !

Idlunitut — ajunginasugijullo !

Gûdemik akkerartortut — Gûdemik nâlektojârtullo !

Idluitullijut — idluartojârtullo !

Nulliarêngnermik asseroijut, inuartut, — inukatingnik nagligosuktojârtullo !

Tallatut amaingajullo — inotsiarnermik pinasuartullo

Mitautekartut Gûdemik – Gûmik opigosuktojàrtullo
 Tuksiangitut Gûdemut --- tuksiartullo kannikut!

Illa unuktoksuit adsigengimariktut arvertarput apkome
 silliktome.

„Ittervik nerrotovok apkosinerlo sillikpok” okarpok piulijivut. Apkosinek silliktok ânanaudlarkôrpok attoranlerkôrporlo. Apkosinermelo silliktome arvertartut kuviasurkôrput. Pingoatsainarput okigêserlutiglo, kiggertarpullo dânserlutiglo, ijorput kaggudlarlûtiglo, nerritudlârput immitudlarlutiglo. Apkosinerme silliktome arvertartut issumamingnik pijungnarput agviartaunatik. Uvingub ikliguningit nâmaksitillugit inôjungnarput. Ijib tautuktangit malligungnarpait, sillaksûb alliarnarningit tamaita atorungnarpait. Alliarnarkôrpok illa, apkosinek silliktok attorlugo. Kissianele taimailiortut illûnatik asserornartomik pivut, apkosinerlo silliktok âniatitsivingmut sangmivok, taimak okarpok piulijivut.

II. A p k o s i n e k a m i t o k .

Piulijivut Jêsuse Kristuse okarpok: „Ittervikitokut itteritse. ittervik nerrokipok, apkosinerlo amipok, inôgumut sangmijok, i k k i t u l l o n a g v a r p â t.” „Ikkitullo nagvarpât,” taimak okarpok Piulijivut. Okartokarkattarpok imak: Piulijaujomangitokalungilak, piulijauniarpogut illûnata, tussugapta tamattominga. Nanê tamanana aglaksimavâ: tussunivut piulijaujutigigaptigô? Inuillo ilûnatik piulijauniarmatta? Aglaksimalungilak Gûdib okausingane. Tamadja inuit tamartitsijut okausingit. „I t t e r v i k i t o k u t i t t e r i t s e” okarpok Piulijivut. Kiblingnarteksôvullo okausingit malliktut, „I k-

k i t u t n a g v a r p â t." Sunâ? Apkosinek amitok, ittervikitorlo. Tussatsiaritsetôk, tussarsinnaleritsetôk Jêsub okauzinginik!

U.lernaigilaulavut mâna apkosinek amitok, kanok illingamangât. Apkosinek amipok, ânanaulungilak tautua Illitamnadlalungilak ilangane, piluartomik kamatsiarlungitomut tapsominga, sorlo apkotigijase atorkattartase nunakut ilingangmatta. Apkosinek amitok manîepok, siorniornadlarporlo ilangane, majokat kakkâluillo pivlugit. Nangianarporlotauk. Mâne ikkanelo ittinersoakarpok apkosiniub seniane, arvertartub kaujimangitanginik. Arvertartok apkosinerme tamattomane illujaumavok omigijiminut, kêta apkosinek kematuaruniuk, opaktaujungnarpok tagvainak tapkununga. -- Apkosinerme amitome arvertartok issumaminik pijungnangilak, Jesuse okarmat: "Uvamnîk malligomajokarpot, issumaminik piniarane". Tamaita kemakpait Jesusê pivlugo. Uvingub ikliguningit makkojugivait, sil'aksub allianarningit tamaita kujannarutigilugit, ôksilerame kilaub kuvianarninginik nunguniaatsangitunik. --- Apkosinerme amitome arvertartok, inoserminik ivlersijungnaipok, aglât atâtane anânanelo nulianelo kitornganelo katangutinelo ômigivait imaipok: tapkoa mallingnagit tunulugillo agviarasuar-patsuk arvertarnermine apkome amitome. Tamanna apkosiniub amitub illinganinga. Piloridlarput arvertartut ômane sokkosijuidlutik, agviarutiksats tamaita kamaginagit. Torârviksamingnut tikilârput, inôsek nâksaungitok tigu'ugo.

Nagliktara, apkosinik tâpkoa magguk illinganîgik kauji-
mavatit mâna. A perivagit tagva: Nelliangnik annerosu-
lerkêt? Nelliak arvertarvigiviûk? Omat, kiosârniar-
nak apertsutingnik ukkungninga, tussarkârtinak okautsi-
nik itervikitek pivlugo.

(Sorairtitauniarput Nr. 33 me.)

A j o k e r t u i j e r s o a v u t a n g a j o k â v u l l o .

Ajokertuijersoapta Bertelsdorfemêtut illangat kat. Buch-
ner itomullo kanimamullo ajornarsivok sullivingminêdlune
kikkariakarporle. Jârit 17 it nâvlugit kat. Buchner illau-
laukrok ajokertuijersoarnut Missionib pairijingnut. Mis-
sionekarvipingnelo Nâlegak angijomik sullidlalaukrok
katangutiptigut ômûna. Tussudlarpogut, mâna inotokau-
ningane tunnidjiviorokovlugo sulle ullapitaunangitomik
merngoerserviksamik. Kia katangutivut innangêrlâr-
mangâgo, nellovogut sulle, okkiarme okkiublônêt pigiar-
ningane kissiane annerijauvekalaupallaingmat.

Angajokâpta Londonemêtut akkornganne aujak maggung-
nik inôjungnairsimajokalaukrok. Attîgik illitamnarniar-
pallukpuk, sakkikattalaungmanik aglait niuvervingnut
illingajut issuanne. Aipâ kat. Edwards angeralaukrok Ju-
nime 24 me, wochit illanginik kanimadlarkârlune. Aipâ
kat. Wilson Augusteme 25 me tikiakijaulaukrok sôrlo-
tokomut, stundinik ikkitotuinarunik kanimavlune. Tamar-
mik pijariarkortojunik pijaksakattalaukrok Labradore
pivlugo. Nâleka akkilêvigiligik takpâre piniarneilauk-
tanginik tamâne Jêsusib attingane.